

EYAITENE LO APIYAI IJO ILOPET

1. EIPONE LO ITEMONOKINET EBAJET BALA

ITUNGANAN YEN IJENI NU IPU


1) *Koseku ibore yen ipuda ijo kede yen ipedori ijo ajalakin*

Koanyu ebe iadumuni ijo iboro lu kangin aparan eringa eomooma ngun lu etiai. Kwape aanyunet koanyu ebe itaci ijo isirigin lu iduwe kon lu esomero eringa ijo kitosoma isirigin amasia ngun lu itemerete ka agwelia igoen lu epol ebei.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

2) *Koseku ibore yen epol aadumunet kanekon*

Koanyu ebe igruni ijo alosikineta nu apiyai anu apedor ayait isirigin kon ejok. Kowomowom nu ipuda ijo aadumun kotoma aijar kosodi do aigirun alosikineta nu adumunet kes. Kwapenat arai ikoto ijo agwela alupok kotoma okaru ikany lu eponitos koingaren, kogeu aimono kanuke kopaana. Arai iswamai ijo kanuka ibore yen epol aadumun kanekon, ido arai ijasi ijo keda ainapetait na iswama, ipedori ijo akerianar.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

3) *Igiru alosikineta nu isirigin kwape ekale*

Ainapetaait kon na apiyai ekoto ikamunite alosikineta , iboro kon keda ipeleik luka ekale keere. Ipedori ijo aadumun ipudesia lu ekale konye mere nu ipuda ngin itunganan ko kale. kwape nat ipedorete yesi nepepe acamanar eipone isomeroi luyangara iduwe kus kede eipone lo adekis na edumununa ekale kus amukian kotupitos eadumune kus lo apiyai



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

4) **Komoutu isirigin kanu aitodol**

Akaulo na aigirun alosikineta kon nu apiyai , kowomowom ne idumakini ijo isirigin. Arai mam ijo ipedori aadumun isirigin lu edolito kotoma aadumun kon, koman icie isirigin kotoma aswamisio nu ore bala nat akoru ka agwelanar idiasinei, ainom amatapalin, aiwowa ka agwelanar emaido, ainom emugati ka nu ikote nen da. Ipedori da bobo ijo aitidisiar agwelio na iboro kanu aimono: komou iponesio lu itosoma isirigin dis tetere ipedori aimono isirigin lu isipedorete ijo aitodol akon alosikineta nu ikapun.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

5) **Kitemok eipone lo itosomaere isirigin lu iriamara keda akon adumun**

Kidau ijo asekun iboro lu epolok, kojenu isirigin lu ebeit aitac aadumuna iboro lu. Koanyu ebe mam iwomomoi aitosom isirigin adepar aadumun kon. Ne igruna eipone lo itosomaere isirigin kon , kojen ebe ijulanikinos ibeyin lu iboro ketubor apak. Ibore yen ilukumin akwatat okaru lo emina araun yen ilukumin akwatat ka akaisare okaru ngon.

BUDGET		January
1	FOOD	
2	TRANSPORT	50,000 F
3	School Fees	30,000 F
4	Medical	200,000 F
5	Savings	30,000 F
6		50,000 F

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

6) Kitosom isirigin kotupite nuigirunit ijo

Epól ijo aijen eipone lo itosoma ijo isirigin kwape nat aidar eitabo lo iwadikai ijo iboro kere lu igweli ijo ka ngin aparán. Ingarakini na ijo atupit eipone lo itosoma ijo ikon isirigin ido da epedori ainakin aica kotoma oboro lu ipedori ijo aitidisiar agwelenen arai ajalakin egwelet. Arai idari ijo isirigin kon kaingadis na apiyai, kingit apapula na itoduni isirigin lu lem idum ijo keda eipone lo ilemununa ijo .

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

7) Epatana Alomar apesen konye otiono alomun kinga.

Arai ikoopau ijo isirigin, kowomowom ejok eipone lo itosoma ijo isirigin lu kede eipone lo itacakina ijo – kotupak ainapeta ngun . kitosomaenene isirigin lu ikopauna kanu alosikinet na ikopauna ijo. Kosac aikopatoi kanu atacia apesenin.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

8) Imono ido itopol isirigin kanu aikeuna eadumune kon

Icie itunga esesenete isirigin lu eadumununete kosaletе isilosikina. Siri kirau idiopet kakesi. Ipedori ijo aimono icie kosirigin ka lu idumununei kosodi aitopol icie kotoma agwelanar, ajaut ka inerio ka iboro icie lu igweli ijo. Imono ido itopol isirigin kon tetere ejai abwoetait arai kitwania aswam katipe, ejaun akangas arai adeka.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

9) Kidar akaadin nu ATM ka credit kolwanikina

Epatana aitosom isirigin arai eyapiete . kiting isirigin lu ipuda ijo bon kanu aparan kede bobo isirigin idis kanu engeso . alosit kitingite akaadi na ATM arai na credit eputoosi kede ijo aitingit isirigin . kidar kesi kolwaka kilemabon neikotor ijo alemun isirigin aitemokina ationis acie.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

10) Arai ilei ijo epiki, ibuni ijo atwaniar

Aile epiki epedori araut aitalakin isirigin kanu adwarun etimu loitelekari kakiro nu aboliasio, abolia akaadin kede aboliasio nu itegelikina eipone kec aiboisio kwape nat casinos arai olago. Aibwaikin isirigin agwelanar na mam itikuna da eputosi keda aile epiki. Acie pakio itelekarete lu ileete epiki arai imedaunete konye kongetakine, etwakiarete kesi isirigin luipu adepar lu etelekasi kesi arai aimedaun . kwape aanyunet ipedori ijo aicak epiki kanu itiimun itomon otiai lo ilukumin akwatat do konye aitelekari etimu ediope lo itacere ijo ilukumin akaisakany bon. Edupo aile epiki itunga luipu ewutaara keda akiro nu isirigin ido bobo kobilibila ikalia , eipaperone ka apesenin numam epatana atacanar.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■


11) Kowomowom isirigin lu itosomai ijo kotunga lu igangit ijo

Kotoma akwapin nu eiriokok , etapit oni atukit angor , apailon, iduwe luipu ka itunga icie lu igangit ijo. Ipuda ijo isirigin kanu adakit ipajan lu koipone lo inyamat, amukian , eipone lo apero keda asioman. Kowomowom isirigin lu itosomaari ijo ka lu ipedori ijo aadumun.

Ekiliokit■Aberu■ Imakio ■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

12) Iwadika airumunet ido koyuwa ikon iboro lu iswamaunete isirigin.

Kanu aanyun ebe elosete ikon isirigin ka iboro icie otunga lu ikoto ijo kitwana, iwadik airumunet. Erai airumunet abaluwa na idokokitai akanin ido kitetemuni eipone keda itunga lu ikoto ijo idarata ikon iboro akaulo na itwania ijo keda itunga lu imedaunete kotomake. Siri kimurok aiyatanikin iboro airumunet kon ne idumuna ijo iboro lu itetiak, iduwe, aberu arai ne itwaniara ijo arai akorar iboro kon lu sek iwadikat ijo airumunet kon nasodit.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

Awanyunet na Aiwadikaet na itoduunit nu ekoto Yenikatwan

Erai na aiwadikaet na awasia na itoduunit nu ekoto (Ekiror)... lo (Aibois) kotoma Otaun Lokapolon Kanepekane nesi ekisaritor eong aiwadikaeta kede akiro acie kere nu sek etolomuunit eong. Aseunit eong kede..... kwape lu epote aitodolikin nu ejaasi toma aiwadikaet na ido ecorakit kesi aitac apesenin ka kere nu ecaete, nepepe ka aitac igaraaman lu anukio ka kede ngul lu aitolomuun aiwadikaet na.

Enyekikitor eong Vera na lem ijaanakini k'oreka isirigin luko Uganda Enyekikitor eong isirigin luko Uganda lu ejaasi akaunta ka na ejai (Ekiror lo e'Bank)..... Etogo ka nesi enyeikina eong Alupok ka nu ejaasi (Aibois) kesi enyeikina eong

Iboro ka kere luegelegela lu ideuna, ido kane ejaasi kere, kesi epote idwe ka ... kede atiakatiak eirian.

Na itolomuunitai apaaran nakalolo, eraasi apaarasia 20.....

Akan ka.....

Na idokit lo itolomuunit aiwadikaet na akan ke kajaasi isio kere kotoma apak ngipengin kwape ikajenak, ido idokit isio da lu ilimoro kane akanin kosi itei elopet aiwadikaet na.

.....

.....

.....

2. NU EBEIT NGIN

ITUNGANAN AIJEN



“Erai ebajet aitemitemet na itoduunit eipone lo ilosikitor ijo aitwasam isirigin kon.”

Alosikineta nu ikamunitos isirigin kesi epedorete araut nu apak na euriana, kwape nat kanu atacara apesen, kanu adumununa iboro lu ipadai kanginipaaran komam adoere toma obaajai, kanu atacia isirigin lu esomero, araibo kanu aimono tetere idumuni ibore yen ipuda ijo kotoma aijar kon. Epedorete da bobo alosikineta araut nu iteete aojau, kwape nat aimono isirigin kanu adumunia etogo arai mam kanu aidaria aijar kon mwakacet iyengu ijo kotoma aaswam. Aigirun ebajet nesi ebuni aingarakin ijo **akorokor iboro lu ijaatatar ijo ejok** kanu aitodolikin alosikineta nu egelegela.

Ipedori ijo aitwasam isirigin kon koponesio iuni: aitwasamaar agwelia iboro, aimono araibo aibwaikin toma aswamusinei nu itopoloete abar:

- **Itwasamao** isirigin kanu eipud lo kangin paaran, kwape nat inyammat, etogo, alosio k’orot, igoen, amukean, atacia apesenin kede icieboro lu eseuni itunganan ilopet, kwape nat aiteo emopiira, amasia ajon kede icie da.
- **Imonoo** isirigin kanu aidaria akiro nukarokok nu eminasi atubunun, arerengusio nu etubununos, araibo kanu aitodolikina alosikineta nu atipet kede ngun nu eojaojat apak kec ido ikamunitos isirigin.
- **Ibwainikino isirigin toma aswamusinei nu itopoloete abar** tetere kanu adumun isirigin icie lu ipu koingaren.

Aicorasit na etubit kakere na ikamunit eipone lo ipedoria ijo ayait iwaitin lu iuni kere lu ikamunitos ijo kede isirigin kon nesi erai na epatana alimun konye otiono atupakin:

***Kitwasam isirigin ejok
Kiducokite aimono isirigin
Kibwaik isirigin kon toma
aswamusinei nu itopoloete abar
kocoite noi***

“Ebajet lo ejok nesi isipedoori ijo agwelun iboro lu ipuda ijo kosodi aimono kanu iboro lu ikoto ijo.”

Ajokusio nu ebajet

- *Itapatani aitutubio kanu ebeit aswam kowai lo aitwasam kede aimono isirigin*
- *Isinyikokini itunga aitwasam isirigin kokoikitos*
- *Isinyikokini itunga aricit aimono isirigin*
- *Arai kitupak ijo nu ejaasi obajet ngon, ebuni aingarakin ijo aitodolikin alosikineta kon nu ikamunitos isirigin*
- *Ingarakini ijo ayait akiro nu ikamunitos isirigin kon ejok*

3. ETIA NU IJENI AI KANU IKAMUNITOS AIGIRUNO NA EBAJET?

AINGISET – KOBONGONOK AINGISETA NUTA:

1. Einer lo etia ai lo isirigin kon edolit ijo aimonoinikin?

Edolit ijo aimonoinikin isirigin lu edolote 20 kangul kwatat lu isirigin kere lu idumununei ijo kangol elap. Kejasa ngun da, era etia ngon lo elomuni koipone lo alosikineta kon nu ikamunitos isirigin nepede ka etia lo isirigin lu idumununei ijo.

2. Isirigin lu irwanaikinete ngul lu idumununei ijo kangol elap irwan imwaas ai edolit ijo aingadakit toma akaunta kon na imonoi ijo isirigin tetere kanu akiro nu etubununos?

Ekot duc ijo ajaut kede isirigin lu edolote irwan akany kape lu isirigin lu idumununei ijo kangol elap tetere ikapakina kanu akiro nu etubununos, kwape nat akangasia, adeka, atwakisia araibo ammut kede aswam.

3. Kanukinyo epolokotor nu ijo atacanar apesen kon na ber ejai itia aimono kanu akiro nu koingaren?

Epol egaraama lo ajaut kede apesen ido egelegela akiro nu eyaunitos ngun:

- ✓ Arai itwania ijo atacakinet adio, ebuni do egaraama lo elooni aiyaatakin noi.
- ✓ Arai kipiko ijo atacanakin eloon kon, ebuni ngin ayau ationus toma alipan kon na adumun eloon ecie mwakacet koingaren.
- ✓ Eminasi isirigin lu itatacio ijo kanu iyapia ijo atacakin eloon kon aiyaatakin etia lo isirigin kere lu ebeit ijo aita, kosodete da bobo aiyaatakin ationus na ijo atacenen elooni kitwasamai isirigin lu ebeitor tii adumununa iboro lu kang'i paaran.

4. KIGIRU EBAJET KON IJO ILOPET

	Elap lo 1	Elap lo 2	Elap lo 3	Elap lo 4	Elap lo 5	Elap lo 6
ISIRIGIN LU IDUMUNUNEI						
Isirigin kere lu idumununei						
IGARAAMAN LU AIMONO ISIRIGIN:						
Atacanareta nu eloon						
Eitwasamae lo isirigin kanu ebisines						
Eitwasamae lo isirigin kanu iboro lu ipudai						
Eitwasamae lo isirigin kanu iboro lu eseuni itunganan ilopet						
Igaraaman kere kaimoriarit						